

tantum illa , de quibus utraque agit propositio ;
tenetur ad jejunium.

PROPOS. DAMNATA.

7. **N**on est evidens , quod consuetudo non come-
dendi Ova , & lacticinia in Quadragesimā
obliget. Est 32. Alex.

D. THOMAS 22. q. 147. art. 8 ad 3. in quo-
bet jejuno interdicitur eus carnium , in jejuno au-
tem Quadragesimali (cum illud sit solemnius) in-
terdicuntur etiam OVA , ET LACTICINIA.

D. THOMÆ temporibus consuetudo quoad La-
cticinia tempore Quadragesimali ubique vigebat ;
quoad ova , illa etiam viget in Belgio , cum ista citrā
dispensationem tunc comedи non possint. Nunc
potissimum consuetudo carendi Lacticiniis obtinet
in Italia ; undē Propositio , ejusque condemnatio
illi principaliter Regioni applicanda est : quamvis
& in hoc Belgio vestigium pristinæ abstinentiæ à
Lacticiniis in Quadragesimā residuum sit : cum in
plerisque Diœcesibus assis soleat pro redemptione
Lacticiniorum solvi à singulis. Quisque debet ob-
servare consuetudines secundūm morem eorem ,
inter quos conversatur. Hic rursùs ad 3. sub finem.

PROPOSITIONES DAMNATÆ

*Circà materiam , qua traditur in
tertia parte , & supplemento.*

De Celebratione Missæ , ejus-
que stipendio.

PROPOS. DAMNATÆ.

1. **M**andatum Tridentini factum Sacerdoti
sacrificanti ex necessitate cum peccato mor-
tali , confitendi quam primū ; est consilium non
preceptum. Est 38. Alex.

2. Illa particula quam primū , intelligitur ,
cum Sacerdos suo tempore confitebitur. Est 39. Alex.

D. THOMAS Tridentinis (ut suprà ad propositionem 4. damnatam in materiâ de simoniâ notatum est) personaliter non interfuit decretis : eis tamen interfuit scriptis suis omnium erronearum propositionum profligativis , quod in his quoquè assertionibus liquet.

Itaque sic loquitur in suppl. q. 6. art. 5. in corp. *Cum tenetur Sacerdos ad celebrandum, si non desit copia Sacerdotis, confiteri (supposito peccato mortali) tenetur: aut si desit, saltem conseri tenetur, & habere propositum confitendi, propositum illud redigendo ad actum sub precepto (sic & non aliter hic sonat ly) tenetur*) **COPIA SACERDOTIS OBLATA** : seu quam primùm Confessarium nancisci poterit. Non igitur dum suo tempore confitebitur.

PROPOS. DAMNATAE.

3. **N**on est contrà justitiam pro pluribus Sacrificiis stipendium accipere , & Sacrificium unum offerre : nequè etiam contrà fidelitatem , etiamsi promittam promissione etiam juramento firmatâ , quod pro nullo alio offeram. Est 10. Alex.

4. Duplicatum stipendium potest Sacerdos pro eâdem Missâ licsiè accipere , applicando petenti parzem etiam specialissimam fructus ipsimet celebranti correspondentem , idque post decretum Urbani VIII. Est 8. Alexand.

Prior assertio fundabatur in eo, quòd Missæ Sacrificium infiniti sit valoris , ideoque non minus inde participare videantur plures , pro quibus illud offerre , quam V. G. unus , vel pauciores , ex quo quidam deducebant : licet igitur pro pluribus Sacrificiis stipendium accipere , & Sacrificium unum offerre .

Aliqui Thomistæ negant 2. partem antecedentis ob ea, quæ docet D. Thomas in suppl. q. 71. art. 14. ad 2. *Quamvis virtus Christi, qui continetur sub hoc Sacramento , & Sacrificio sit infinita, tamen determinatus est effectus, ad quem illud ordinatur. Unde ejusdem quæstionis art. 13. Suffragium Missæ, inquit, distributum in multos MINUS PRODEST SINGULIS , quam prodeisset, si fieret PRO UNO TANTUM.*

Alii Thomistæ , iique plures admittunt dictam partem . Non valet tamen sequela inde deducta . Stipendia enim non dantur Celebranti tanquam premium fructus Sacrificii , sed tanquam aliquid à lege , vel consuetudine statutum ad vitam sustentandam , lex verò , vel consuetudo nunquam plura pro uno Sacro statuit , aut taxavit stipendia , sed illa semper prohibuit , & damnavit .

Quantarum fraudum hæc damnata propositio suo tempore (ut advertit quoque Steyaertius) causa fuit ! Quod Sacrificiis pii fuere fraudati fideles , quibus Sacerdotes etiam *sub juramento* promise-
rant , se pro iis solis celebraturos !

Sanè juxta commune Theologorum proloquium , promissio data & acceptata obligat , cur non igitur à fortiori promissio juramentō firmata ?

Cæterum horrendus in Missarum celebratione abusus , & quodammodo hujus propositionis damnatae prodromus jam olim in ordinem Sacerdotalem irrepserat , quem Petrus Cantor author celebris in verbo abbreviato acerrimè perstringit cap. 29. Solebant ejus temporibus nonnulli Sacerdotes plures Missas in unum congerere , celebrantes Missam Diei , vel aliam præcipuam suo ordine usquè ad Offertorium ; tum aliam incipientes usquè ad eundem locum , deinde tertiam , & quartam eodem modō . Postea tot Secretas Orationes dicebant , quod Missas inceperant : tandem sub uno Canone Sacrum perficiebant totidem additis in fine Collectis , quod initio recitarant . Hujus abusus originem adscribit Petrus Cantor sordidæ quorumdam Sacerdotum avaritiæ , qui , cum scirent illicitum esse pluries in die celebrare , has plurium Missarum insuffiones inventerant , ut multorum devotioni petentium pro se offerri Sacrificium unicā celebrationē (ut existimabat) satisfacientes , plura uno Sacrificiō (en casus noster) stipendijs corraderent . Has autem Missas barbaro vocabulo *bifaciatas* , & *trifaciatas* nuncupat , quia duplē , vel triplicē faciem representabant . Cæterum eas veluti monstra , ac institutioni , & consuetu-

*Horren-
dus olim
abusus in
Celebra-
tione Mis-
sarum.*

dini universalis contrarias Ecclesia eā tempestate
(sicut & hanc modō propositionem fesiit) impro-
bavit, & detestata est.

In propositione secunda regnat etiam auri sacra
fames. Porrò ut hæc accurate percipiatur, obser-
vandum est, triplicem solēre distingui portionem
effectus Sacrificii Missæ. Una est generalissima, quæ
ex intentione Ecclesiæ applicatur Papæ, Antistiti, Regi, imo quoad effectum imperatorum omnibus circumstantibus, qui certò aliquo sensu totidem offerentes sunt. Portio specialissima est, quæ reservatur ipsi Sacerdoti, etiam dum honorario accepto, pro alio celebrat. Alia portio appellatur
specialis, & est ista, quam applicat Sacerdos specialiter illi, pro quo Sacrificium offert.

Eam statim demonstratum est non posse per unum dumtaxat Sacrificium applicari pluribus, qui Missam petierant, & distinctum tribuerant stipendium. Itaque hæc modo propositio versatur circa portionem, ut vocant, *specialissimam*, quam nonnulli à se abdicabant, ut pro illa stipendium acciperent.

Sed hoc abundè refellitur ex consuetudine Ecclesiæ, quæ errare non potest, ut continuò, & indefessè infinitis in locis repetit Angelicus. Ecclesia autem non patitur, ut sit in Sacerdotis potestate de portione illâ *specialissimâ* disponere, aut eam à se pro nummis abdicare: cum ex Ecclesiæ præscripto sic Missam se offerre profiteatur: * Pro innumerabilibus peccatis, & offenditionibus, & negligentiis meis. Præixerat Apostolus ad Hebræos 7. Sacerdotes prius pro suis delictis hostias offerre debent, deinde pro populi.

Certe, ut nihil dicam de Esaï, qui propter unam estam vendidit primitiva sua ad Hebr. 12. dolendum est quosdam Presbyteros tam profligatae fuisse avaritiae, ut propter stipendiolum, augmento gratiae, remissioni pœnæ, novis auxiliis, quæ par Sacrificium Corporis, & Sanguinis Christi obtinere poterant, stulte, & sordide renuntiaverint? imo se gravissimô sic celebrantes sacrilegiô inquinarint.

PROS.

* in Offer.
torio.

PROPOS. DAMN.

5. Post decretum Urbani, potest Sacerdos, cuius Missæ celebranda traduntur, per alium satisfacere collatō illi minori stipendiō, aliā parte stipendii sibi retentā. Est 9. Alex.

D. THOMAS 22. q. 77. art. 4. ad 3. Clerici non solum debent abstinere ab his, quæ sunt secundum se mala, sed etiam ab his, quæ habent speciem malitiae. Quod quidem in negotiatione contingit, propter hoc, quod est ordinata ad lucrum terrenum, cuius CLERICI DEBENT ESSE CONTEMPTORES. Enimvero quid est negotiatio, si negotiatio non sit illud, de quo tractat propositio? Ceterè negotiatio est, sed sacra, utpote de rebus sacrīs, profanā Clericis interdictā sordidior.

Sed nonnē hīc etiam in justitiam impingitur? quō titulō talis Sacerdos, collatō alteri minori stipendiō, alteram partem stipendii sibi retinet ē

PROPOS. DAMNATA.

6. Annum legatum pro animā relictū non durat plus, quam per decem annos. Est 43. Alexand.

D. THOMAS 22. q. 69. art. 3. in corpore. Non licet aliquam fraudem adhibere: quam immanem vero fraudem adhibet, & quam horribiliter fundatorem legati, ut crediderat, & stipulaverat, perpetui decipit is, qui illud ad decem annos coarctat!

Inter avaritiæ (ex qua hæc orta sunt) species computatur etiam ab Angelico mortuorum spoliatione 22. q. 118. art. 8. ad 4. Hactenū tamen avaritia stiterat in spoliatione corporum: sed ecce natam posthumam quandam avaritiæ filiam, dum vel in animas sœvitur illas annuis & promissis, & stipendiatis, proindeque ex strictâ justiâ debitis spoliando, post decennii decursum, Sacrificiis.



De Contritione , & Confessione.

PROPOSIT. DAMNATA.

1. **P**robabile est sufficere Attritionem naturalem,
modò honestam. Est 57. Innoc.

D. THOMAS in Supplemento q. 2. art. 3.
Ad justificationem (cum Sacramento) requiritur
Contritio , imperfecta scilicet , sive Attritio tan-
quam dispositio ad formam , justificatio autem est
supernaturalis , itaque & Attritio supernaturalis sit ,
oportet , cum dispositio debeat esse proportionata
formæ.

PROPOS DAMN.

2. **Q**ui facit Confessionem voluntariè nullam ,
satisfacit præcepto Ecclesiæ. Est 14. Alex.

D. THOMAS in suppl. q. 8. art. 2. ad 1. in
corpo. In Sacramento pœnitentia... est aliquid
ex parte ipsius , qui suscipit Sacramentum , quod
est de essentia Sacramenti , sicut *Contritio* (imper-
fecta scilicet) & confessio : Contritio autem de-
bet esse vera , recta , non sacrilega , igitur Con-
fessio etiam recta sit , & non sacrilega , necesse
est ; adeòque per Confessionem voluntariè nullam
seu sacrilegam , non sit satis præceptio Ecclesiæ ,
cum illa velit Confessionem , quæ sit de essentia
Sacramenti. Accedit , quod præceptum Ecclesiæ sup-
ponat præceptum Divinum , & tantum determinet
tempus , in quo illud impleri debet : præceptum
autem Divinum exigit Confessionem rectam , seu
spectantem ad essentiam Sacramenti , proindè &
talem exigit Præceptum Ecclesiasticum.

PROPOSITIO DAMN.

3. **I**cet Sacramentaliter absolvere dimidiatiè
tantum Confessos , ratione magni concursus
pœnitentium , qualis V. G. potest contingere in die
magna alicujus Festivitatis , aut indulgentiæ. Est
19. Innoc.

D. Tho.

D. THOMAS in suppl. q. 9. art. 2. in corpore.

De necessitate Confessionis est, quod homo OMNIA PECCATA CONFITEATUR, quæ in memoria habet, quod si non faciat, non est Confessio, sed Confessionis simulatio: nequit autem absolutio super simulatam cadere Confessionem, non licet igitur Sacramentaliter absolvere dimidiata tantum confessos.

Verum hic obstat, inquis magnus in casibus Object. allegatis pœnitentium concursus, qui, si omnia sua peccata confiteantur, Sacramentis, & Indulgen- tias privabuntur. Sufficiet itaque dimidiata Confes- sio, seu *integritas formalis*.

Sed hæc ratio nulla est, & ab omni prorsùs *Resp.* Theologiâ alienum est, in dimidiata illâ Confessio- ne salvari integritatem *formalem*. Illa fuit semper apud omnem retrò Antiquitatem *integritas formalis*, dum quis confitetur ea, quæ potest, & tenetur confi- teri: tenerur verò omnia confiteri, nisi hæc simul, vel disjunctim adsint. 1. Impotentia physica, ut si pœni- tens, inchoatâ Confessione, subitò destituatur sensi- bus, vel si vulnere, aut morbo ita urgeatur, ut peri- culum sit, ne antè absolutam confessionem expiret. 2. Impotentia moralis, qualis est periculum alicujus gravis damni sibi, vel proximo imminentis, ut est revelatio sigilli cum infamacione sui, aut complicis, vel sollicitatio ad illicita. 3. Si quis ali- cujus peccati, postquam diligentius se excusserit, & conscientia sua sinu, & latebras omnes explo- raverit, non recordetur: reliqua enim peccata, quæ diligenter cogitanti non occurrunt, in univer- sum eadem Confessione inclusa esse intelliguntur. Concilium Trident. sess. 14. cap. 5. circâ quæ tamen observandum est, pœnitentem à quibusdam peccatis vel ex defectu memorie, vel ex justis aliis causis præcitatibus absolutum, cessante causâ, ob quam illa sunt omissa, teneri ad eadem clavibus Ecclesiæ subjicienda, ut in sequenti propositione videbimus. Hi sunt casus, in quibus datur inte- gritas *formalis*; ita ut tunc non sit necessaria in- tegritas

tegritas materialis, ut loquuntur, seu omnium omnino peccatorum explanatio. Cæterum integratatem formalem ad circumstantias magni concursus populi antè quosdam Recensiores nullus umquam extendit Theologus.

PROP. DAMN.

4. **P**eccata in Confessione omissa ob instans periculum vitæ, aut ob aliam causam, non tenemur in sequenti Confessione exprimere. Est 11. Alexand.

D. THOMAS in suppl. q. 10. art. 5. ad 3. Aliquis tenetur ITERUM CONFITERI, cum ad memoriam peccatum venerit. Sicut pauper, (q. 2. art. 3. ad 2.) qui non potest solvere quod debet, TENETUR, CUM PRIMÔ POTERIT. Quid efficacius ad hujus errorem propositionis perimendum dici queat? per impotentiam debitoris soper tantisper, non extinguitur debitum, ita ut, illâ desinente, creditori solvere teneatur: sic igitur, dum peccata sunt omessa, vel oblita ob instans periculum vitæ, aut ob aliam causam, non currit obligatio, stante illâ oblivione, & premente evidenti vitæ discrimine, omnia pandendi peccata, sed causis illis cessantibus, emergit iterum, & stringit (ubi tantisper non ligabat) peccata in sequenti Confessione exprimendi obligatio.

PROPOSITIONES DAMN.

5. **N**on tenemur Confessario interroganti fatéri peccati alicujus consuetudinem. Est 58. In. noc.

6. Qui habuit copulam cum solutâ, satisfacit Confessionis precepto dicens: Commisi cum solutâ grave peccatum contrâ Castitatem, non explicando copulam. Est 25. Alexand.

D. THOMAS in 4. distinct. 10. Sacerdos, inquit Angelicus, debet perscrutari conscientiam peccatoris in Confessione, quasi Medicus vulnus, & Iudex causam: ad hoc vero maximè necessarium est

est interrogare peccati consuetudinem. Unum enim peccatum (in suppl. q. 9 art. 2. ad 1.) per se consideratum non ita demonstrat malam dispositiō-
nem peccantis.... quia in unum peccatum aliquis quandoque labitur ex ignorantia, vel infirmitate: sed multitudo peccatorum, seu illorum consuetudo (quod in præsenti in idem redit) demonstrat ma-
litiam peccantis, vel magnam corruptionem ejusdem. Diversum igitur judicium fert Confessarius de eo, qui in peccata sèpè reincidit, hoc enim indicat ejus animum esse in malo obfirmatum, quod de simplici lapsu dici nequit, & distinctum debet ei præscrip-
bere remedium. Age, id exemplo demonstremus, Possetne v. g. diuturna luxuriæ occasio tam effi-
cax, & potens ad peccandum irritamentum præci-
di, evelli, eradicari, si peccator lapsus carnis sim-
pliciter confiteretur, & non aperiret in veteratum animæ vulnus, gravem ad peccandum propensiō-
nem, frequentes relapsus, natam ex illis consuetu-
dinem, factumque, dum consuetudini non resisti-
tur, ut cum Augustino loquar, peccandi necessitatē? nonnè corporalis Medicus aliter curat morbum recentem, aliter pristinum, continuum, &, si quandoque cesset, acriùs deinceps ingravesceret, car-
nes, & ossa exedentem? an spiritualis Medicus mi-
norem pro anima, quam aliud pro corpore curam gerat?

Ex dictis etiam corruit propositio altera. Multum enim hæc differunt: commisi cum solutâ grave pec-
catum contrâ Castitatem: & illud: habui cum solutâ copulam. Primum ingerit Confessario Ideam de tactibus, vel aspectibus dishonestis, quod lethale peccatum est adversus Castitatem: secundum varia necessariò à pœnitente querendi Confessariis satis nota materiam suppeditat, diversumque curationis modum exigit. Libido enim, inquit Angelicus 22.
q. 154. a. 3. ad 1. IN FORNICATIONE est maxima,
Et inde est, quod Isidorus dicit in libro * de summo * Lib. 2.
bono, quod magis per carnis luxuriam humanum c. 39. cir-
genus subditur diabolo, quam per aliquid aliud: ca
quia

quia scilicet difficilius est vincere vehementiam huiusmodi passionis. Quam fortis igitur repagulō opus est, ut stimulus carnis post peccatum fornicationis, seu copulam habitam acrius deinceps hominem exagitans, ut effrenis ille, & omnes quodammodo obices evertens impetus sistatur, coeretur, dometur? hoc verò repagulum quomodo applicabitur, nisi teneatur ille confiteri copulam?

De absolutione, & occasione proxima peccandi.

PROP. DAMNATA.

I. Absolutionis capax est homo, quantumvis laboret ignorantia mysteriorum fidei, & etiamsi per negligentiam etiam culpabilem nesciat mysterium sanctissimae Trinitatis, & Incarnationis D. N. I. C. Est 64. Innoc.

D. THOMAS 22. q. 2. art. 3. dicitur Hebr. 10. sine fide (scilicet necessiorum necessitate medii) impossibile est placere Deo. Inter illa autem necessaria principem sibi locum vendicant mysteria Trinitatis, & Incarnationis. Post tempus gratiae revelata (inquit S. Doctor art. 7. in corp.) tam maiores, quam minores tenentur habere fidem explicitam de mysteriis Christi, pricipue quantum ad ea, quae communiter in Ecclesia solemnizantur, & publicè proponuntur, sicut sunt articuli Incarnationis. Quantum verò ad arcanum Trinitatis; Mysterium Incarnationis Christi (art. 8. in corp.) explicitè credi non potest sine fide Trinitatis: quia in mysterio Incarnationis Christi hoc continetur, quod Filius Dei carnem assumperit, quod per gratiam in Spiritu Sancti mundum renovaverit, & iterum quod de Spiritu Sancto conceptus fuerit... & ideo post tempus gratiae divulgate, tenentur omnes ad explicitè credendum mysterium Trinitatis. Si ad hoc omnes teneantur, quod pacto igitur absolvit potest talia etiam per ignorantiam culpabilem ignorans mysteria? nonnè providendum est Confessatio, ne absolvat indignum?

gnum? imò pœnitens, an dicta ignoret mysteria, ex professo interrogandus est, si suspicionem fundatam seu ex modo confiendi, seu aliter ejusmodi ignorantia subministret.

PROPOSITIONES DAMN.

2. **P**roenitenti habentī consuetudinem peccandi contraria legem Dei, Naturæ, aut Ecclesiæ, et si emendationis spes nulla appareat, nec est neganda, nec differenda absolutione, dummodo ore proferat, se dolere, & proponere emendationem. Est co. Innoc.

3. Potest aliquando absolvī, qui in proximâ peccandi occasione versatur, quam potest, & non vult omittere, quin imò directè, & ex proposito querit, aut eis ē ingerit. Est 61. Innoc.

4. Proxima occasio peccandi non est fugienda, quando causa aliqua utilis, aut honesta non fugiendi occurrit. Est 62. Innoc.

5. Licitum est querere directè occasionem proximam peccandi pro bono spirituali, vel temporali nostro, vel proximi. Est 63. Innoc.

6. Non est obligandus concubinarius ad ejicendam concubinam, si hæc nimis utilis esset ad oblationem concubinarii vulgo Regalo, dum deficiente illâ, nimis è grē ageret vitam, & alia epula tedium magno concubinarium afficerent, & alia famula nimis difficile inveniretur. Est 41. Alex.

D. THOMAS 3. p. q. 86. art. 2. in corpore: Requiritur ad Remissionem, seu absolutionem offendit, quod voluntas hominis convertatur ad Deum cum detestatione conversionis prædictæ ad creaturem, ET PROPOSITO EMENDÆ. Poteritne igitur ille absolvī, qui inveterata peccandi consuetudine immersus est, qui præscripta adversus pravos habitus non adhibet remedia, in quo nulla emendationis, & efficacis propositi apparent argumenta?

Sanè nequit Confessarius quemquam absolvere, nisi prudenter judicei eum esse dispositum, seu verè dolere de peccatis: de tali vero hoc non potest judicare Confessarius.

Nec

Object.

Nec sufficit, quod consuetudinarii affirment se dolere de peccatis, quodque emendationem proponant.

Resp.

Convincuntur enim carere efficaci emendationis proposito hoc ipso, quod non utantur opportunis adversus relapsum remedii: cum nequeat consistere efficax intentio finis sine mediorum, quae in nostra potestate sunt, applicatione. Si enim V. G. Petrus infirmus corpore crebito affirmasset, velle se medicinam corporalem pro recuperanda sanitatem adhibere, nec tamen, cum posset, eam unquam adhibuisset, quis prudenter crederet, & existimaret illius fuisse efficax de sumendâ medicinâ propositum? idem pariter de medicinâ spirituali dicendum est.

Reflexio
ad Con-
fessarios
laxiores.

Reflectant ad id Confessatii, qui omnibus indiscriminatim absolutionem impertuntur, in hoc utique gloriantes; sequè tantò illustriores existimantes, quantò eos in sacro, & tremendo vel Angelis Pœnitentiae tribunali collocatos major ægrarum animorum turba circumdat. Quasi verò laus foret Medicorum innumerabilem videte circà se agglomeratum infirmorum exercitum, quorum ne unum quidem sanare posset. Quasi laus esset Pastoris, quod numerosam scabiosarum ovium gregem possidēret; quasi laus foret Magistri, quod plurimi præflet discipulis, quorum vix ulli ex ipsis scholâ docti evaderent.

Ex dictis convelluntur facillimè propositiones quatuor de occasione proximâ, præsertim prima, quae est hæc. Potest aliquandò absolvī, qui in proximâ peccandi occasione versatur, quam potest, & non vult omittere, quin in modo directe, & ex proposito querit, & ei se ingerit. Quale enim iudicium Director animarum de istius dispositione ferre potest? audiatur D. THOMAS 3. p. q. 86. art. 3. in corpore disertè, & absolutè afferens. Peccatum mortale non potest sine verâ pœnitentiâ remitti; ad quam pertinet DESERERE PECCATUM: ergo juxta hanc veram, & inconcusam D. THOMÆ doctrinam non solum non licet proximam peccandi occasionem directe,

directè , & ex proposito quærere , aut ei se ingerere ; ut *prima* volebat Propositio , sed etiam illa est fugienda , etiamsi causa aliqua utilis , aut honesta non fugiendi occurrat , ergò illicitum est illam quærere pro bono spirituali , vel temporali nostro , vel proximi : ergo est obligandus concubinarius ad ejiciendam concubinam , etiamsi hæc nimis utilis esset ad oblectamentum concubinarii &c. ad veram enim pœnitentiam pertinet deserere peccatum . Nihil hic omnino excipitur , non causa utilis , aut honesta , non bonum spirituale proximi (nam quid prodest homini , si universum mundum lucretur , anima vero sua detrimentum patiatur ?) non tedium , aut afflictio animi in absentiâ concubina . Omnia hæc refelluntur , rejiciuntur , conteruntur per illud : *Ad veram pœnitentiam pertinet deserere peccatum.*

De satisfactione , & indulgentiis.

PROPOSITIO DAMN.

I. **P**OEnitens propriâ authoritate substituere sibi aliud potest , qui loco ipsius Pœnitentiam adimpleat . Est 15. Alexand.

Fundamentum hujus assertionis fuisse videtur , quod nonnulli existimarent satisfactionem Sacramentalem ad hoc tantum esse , ut divinae justitiae pro pœnis restantibus fiat satis , quod fieri potest operâ , & merito aliorum . Sed nonnè alii , iisque potiores , sunt fines satisfactionis ? scilicet magnoperè à peccato revocant , ait Tridentinum sess. 14. cap. 8. Et quasi frano quoddam pœnitentes coercent hæ satisfactoria Pœna : .. medentur peccatorum reliquis , & virtuosos habitus male vivendo comparatos contrariis Virtutum actibus tollunt . Hæc autem minimè haberentur , ubi alter pro altero Pœnitentiam adimpleret . Quam latam proinde hæc Propositio pandebat portam laxitatis nonnè tollebat spiritualis infirmitatis medicamentum ? sed & jam dudum docuerat D. THOMAS 3. p. q. 90. art. 2. in corpore . Requiritur ex parte pœnitentis , quod recompenset secundum ARBITRIUM MINISTRI DEI , quod fit in satisfactione .

PRO-

PROPOSITIO DAMN.

2. **I**ndulgentia concessa Regularibus, & revocata à Paulo V. hodie sunt revalidata. Est 37. Alexand.

D. THOMAS in suppl. q. 25. art. 2. in corpore. Indulgentia simpliciter tantum valent, quantum prædicantur, dummodo ex parte dantis (qui ordinariè est Pontifex) sit Authoritas : dum igitur pari pollens Authoritate illas revocat, vel revocavit, ut præstitit hanc damnando propositionem Alexander VII. confirmans revocationem Pauli V. non valent amplius tales Indulgentia.

De casuum reservatione, approbatione Confessariorum, & Censuris.

PROPOS. DAMNATAE.

1. **M**endicantes possunt absolvere à casibus Episcopis reservatis, non obtentâ ad id Episcoporum facultate. Est 12. Alex.

2. Prælati Regulares possunt in foro conscientia absolvere quosdam sacerdotes ab Hæresi occultâ, & ab excommunicatione propter eam incurſâ. Est 4. Alexand.

3. Sententia afferens Bullam Cœna solūm prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est; Anno 1629. 18. Julii in Consistorio sacræ Congregationis Eminentissimorum Cardinalium visa, & tolerata est. Est 3. Alex.

4. Qui Beneficium Curatum habent, possunt sibi eligere Confessarium simplicem Sacerdotem non approbatum ab Ordinario. Est 16. Alex.

5. Satisfacit, præcepto annua Confessionis, qui confitetur Regulari, Episcopo præsentato, sed ab eo injuste reprobato. Est 13. Alex.

6. Re-

6. Regulares possunt in foro conscientiae uti Privelegis suis, quae sunt expressè revocata per Concilium Tridentum. Est 36. Alex.

7. Quoad forum conscientiae, reo correcto, ejusque contumacia cessante, cessant Censura. Est 44. Alexand.

D. THOMAS in suppl. q. 20. art. 2. in corpore. Potestas Ordinis quantum est de se, extendit se ad omnia peccata remittenda: sed quia ad usum hujusmodi potestatis requiritur Jurisdiction, qua à Majoribus in inferiores descendit, ideo potest. SUPERIOR ALIQUA SIBI RESERVARE, IN QUIBUS JUDICIOUM INFERIORI NON COMMITTAT, alias de quolibet potest simplex Sacerdos habent Jurisdictionem absolvere... Quandòque autem est consuetudo in aliquo Episcopatu, quod ENORMIA CRIMINA AD TERROREM RESERVENTUR EPISCOPO. Nequeunt igitur Mendicantes à casibus Episcopo reservatis, si ad id obtenta non sit facultas, ut propter Jurisdictione destituti absolvere.

Eadem ratio de Jurisdictione militat quoad quatuor sequentes Propositiones, & etiam sextam, cuius condemnatione confirmatur quarumdam abrogatio Jurisdictionum per aliquot olim Privilegia Regularibus concessarum, sed quae Privilegia sunt revocata per Tridentinum.

Porro circà Propositionem quintam restat hoc observandum, quod illa constitutat Regularem Judicem capacitatis suæ, proindeque Judicem in propriâ causâ, quod meritò damnatum est ut potè omnem tum Jurisdictionem, tum Subordinationem evertens.

Hinc etiam ruit Propositio ultima, quae Censuras concernit. Hæc ed tendit, ut si quis V. G. excommunicatus satis se existimet esse correctum, is jam se gerat in foro conscientiae pro soluto à tali vinculo, adeoque ut sit Judex in propriâ causâ quod quantum Ecclesiasticam & potestatem, & disciplinam enervet, quis est, qui non videat? Debet se inferior committere judicio aliorum 22.

q. 64. art. 5. ad 2. ; ita ut ad Superiorem, qui Censuram tulit, spectet judicare, an emendatio rei talis sit, ut ille absolutionem mereatur.

De denuntiatione sollicitantium in Confessione, & Hæreticorum.

PROPOSITIONES DAMN.

1. **C**onfessarius, qui in Sacramentali Confessione tribuit pœnitenti chartam postea legendam, in qua ad venerem incitat, non censetur sollicitasse in Confessione, ac proinde non est denuntiandus. Est 6. Alex.

2. Modus evadendi obligationem denuntianda sollicitationis est, si sollicitatus confiteatur cum sollicitante, hic potest ipsum absolvere absque onere denuntiandi. Est 7. Alex.

3. Quamvis evidenter tibi constet Petrum esse hæreticum, non teneris denuntiare, si probare non possis. Est 5. Alex.

D. THOMAS Quodlibeto XI. q. 10. art. 1. Si esset aliquid peccatum carnale (en casus sollicitantis) seu spirituale, quod vergeret in detrimentum multitudinis, STATIM EST REVELANDUM, cum præponderet bonum commune, animarum scilicet bono fama talis Confessarii horribilem animabus stragem inferentis, & ulterius, nisi denuntiatur, illaturi. Quid verò refert, sollicitetne talis sacrilegus in ipso Tribunal sacro, an verò miseræ pœnitenti chartam insinuet sollicitatricem, quam illa postea volvat?

Seunda Propositio sanam meritum ferit. Quid enim ad negotium, quod sollicitatus confiteatur cum sollicitante; seu potius sollicitanti? hic enim potest quidem illum à peccatis absolvere, sed non ab onere cuiusdam mandati Ecclesiæ, scilicet ab onere denuntiandi sollicitantem.

Tertia de denuntiando hæretico, ex præfatis etiam Divi Thomæ verbis refellitur. Hæresis enim peccatum

tum spirituale est , quod maximè vergit in detri-
mentum multitudinis.

Sed ecce & alium locum , quō ista directe ,
& radicitus convellitur , de promptum ex 2. 2. q. 33.
art. 7. in corpore . Quædam peccata occulta sunt ,
que sunt in nocumentum proximorum vel corporale ,
vel spirituale , puta si aliquis occulte tractet , quo-
modo civitas tradatur hostibus , vel si HÆRETICUS
privatum homines à fide avertat , ut natum est
fieri ab hujusmodi hominum genere , cum sermo
eorum ut cancer serpat 2. ad Timotheum 2. Et
quia ille , qui sic occulte peccat , non solum in te
peccat , sed etiam in alios , oportet STATIM PRO-
CEDERE AD DENUNTIATIONEM , ut bujusmodi no-
cumentum impediatur .

At , inquis , Petrum esse hæreticum probare ne Object.
queo .

Sed nec id exigitur ; quibus enim fit denuntia-
tio , illi non solent obligare ad probandum , sed
solum ad declaranda criminis istius indicia . *Resp.*

De Paschali , & frequenti Communione .

PROPOSITIO DAMN.

1. Praeceptio Communionis annua satisfit per sa-
crilegum (Corporis) Domini manducatio-
nem . Est 55. Innoc.

D. THOMAS 3. p. q. 80 art. 4. ad 5. Aposto-
lus dicit prima ad Corinth. II. Probet autem
seipsum homo , & sic de Pane illo edat , & de
Calice bibat , præceptum autem Ecclesiæ est ex-
plicatio quædam , & determinatio Præcepti Divini ,
cum ergo per sacrilegium Præceptum Divinum non
adimpleatur , sed oporteat , ut homo se per puram pro-
bet conscientiam , consequens est , nec Ecclesiastico
de Communione annua fieri satis per sacrilegum
Corporis Domini manducationem .

Deinde : licet Ecclesia non possit præcipere actus
purè internos (ut est communior Theologorum
doctrina) potest tamen præcipere , & præcipit
illos internos , qui per se cum exterioribus con-
juncti sunt . Sic præceptum Ecclesiasticum de Ho-
ris Canonici recitandis non solum ad attentio-
nem , & devotionem exteriorem ; sed etiam ad
interiorem obligat : sic & Præceptio de audiendâ
Missâ non satisfacit is , qui indebet , & ad alia
voluntatiè distractus illi interest : itaque nec
Præceptum Communionis Paschalis impletur per
indignam Domini sumptionem externam ; sed per
Dignum , Piam , Religiosam , ex internâ animi
dispositione dimanantem . Atquè hoc abundè con-
stat ex verbis , quibus Præceptum Ecclesiæ expres-
sum est . *Omnis utriusque sexus suscipiat REVE-
RENTER (cum præparatione scilicet interiori re-
quisitâ) ad minus in Paschâ Eucharistie Sacramen-
tum.*

PROPOSITIO DAMN.

2. *F*requens *Confessio* , & *Communio* etiam in
bis , qui gentiliter vivunt , est nota *Præ-
destinationis*. Est 56. Innoc.

D. THOMAS articulo præcipitato in argumento
sed contrà. *Apostolus dicit I. ad Corinth. II. Qui
manducat , & bibit indignè , judicium sibi man-
ducat , & bibit , id est , CONDEMNATIONEM. Dicit
autem Glossa ibidem , quod indignè manducat , &
bibit , quis in crimine est , ergo qui est in peccato
mortali (ut profectò est , qui Gentiliter vivit , id
est , instar Ethnici cupiditatem suis immersi) Si
hoc Sacramentum accipiat , DAMNATIONEM ACQUI-
RIT. Non igitur frequens *Communio* (idem de
crebrâ *Confessione* dicendum est) in Gentiliter vi-
ventibus est nota *Prædestinationis*.*

Huc facit id , quod Angelicus docet 3. p. q. 80.
art. 10. in corpore. *Usus* , inquit , *bujus Sacramenti*
potest considerari ex parte sumentis , *in quo requi-*
ritur , *ut cum magnâ devotione* , & *reverentia*

ad hoc Sacramentum accedat. Et ideo si aliquis se quotidie (seu sæpè) ad hoc paratum inveniat, laudabile est, quod illud quotidie (seu crebrò) sumat.... sed quia multoties in pluribus hominum multa impedimenta occurunt propter corporis indispositionem, vel anima: non est utile omnibus hominibus quotidie (sive frequenter) ad hoc Sacramentum accedere, SED QUOTIESCUMQUE SE AD ILLUD HOMO INVENERIT PRÆPARATUM. An vero Gentiliter vivens ad illud præparatus est? nonne ad tam Sanctum, tam Augustum, tam Tremendum Mysterium est omnino indispositus? Cur in talem, Divinam toties irritantem Patientiam, in aliorum terrorem justissimam Deus vindictam non effundit?

Sanè mirabuntur Posteri hanc, aliasque numero centum, & decem hic expensas Christianæ moralitatis corruptivas hoc ingeniosis Florentissimo Sæculô potuisse à Catholicis cudi Propositiones. Cusæ tamen fuerunt, sed à viris luxuriantium in geniorum æstù abreptis. Utinam illi omnes nervos, vires, operam Theologie vera, sane, solidæ, limata, pandenti viam salutis impendissent, non tantâ ex eorum doctrinâ in animas Pretiosissimo Jesu Christi Sanguine redemptas inundasset pernicies.

Quis existimat post tam insignem de corrup- Prostrata tâ moralitate à Summis Ecclesiæ Moderatoribus Laxitas Alejandro VII. & Innocentio XI. relatum trium denuò rephum, potuisse profligatam instaurari aciem, no- crudescit. vasque prodire Propositiones?

En paucas quidem, sed laxitate suâ memorabiles.

